

<b>Коррупцияга қарши курашиш ва комплаенс назорати</b>			
Хужжат номи:	<b>Ўзбекистон техник жиҳатдан тартибга солиш агентлиги ва унинг тизим ташкилотларида коррупциявий хавф-хатарларни баҳолаш УСЛУБИЁТИ</b>	Хужжат белгиси:	<b>08</b>
Амал қилиш муддати:	<b>3 йил</b>	Таҳрир:	<b>1</b>

Ўзбекистон Техник жиҳатдан тартибга солиш агентлигининг  
2022 йил 18 январдаги  
1-сон буйруғига  
4-Илова

**Ўзбекистон техник жиҳатдан тартибга солиш агентлиги ва унинг тизим ташкилотларида коррупциявий хавф-хатарларни баҳолаш УСЛУБИЁТИ**

## 1 боб. Умумий қоидалар

1. Мазкур услубиёт Ўзбекистон техник жиҳатдан тартибга солиш агентлиги ва унинг тизим ташкилотларига (кейинги ўринларда – Агентлик ва унинг тизим ташкилотлари) юкланган вазифа ва мажбуриятларни бажаришда юзага келиб чиқадиган коррупциявий хавф-хатарларни баҳолаш бўйича қоидаларни белгилаб беради ҳамда Агентликда коррупциявий хавф-хатарларни баҳолашга ягона ёндашувни шакллантиришга қаратилган.

2. Қуйидагилар Агентлик ва унинг тизим ташкилотларида коррупциявий-хавф-хатарларни баҳолашнинг мақсади ҳисобланади:

Агентлик ва унинг тизим ташкилотлари фаолиятини комплекс таҳлил қилиш орқали коррупция хавф-хатарига энг кўп мойил бўлган функция ва лавозимларини белгилаш;

коррупциявий хавф-хатарларни минималлаштириш бўйича самарали олдини олиш чораларини ишлаб чиқиш.

3. Агентлик ва унинг тизим ташкилотларидаги коррупциявий хавф-хатарларни баҳолаш қуйидагиларни ишлаб чиқилишини назарда тутати:

Коррупциявий хавф-хатарлар харитаси;

Агентлик ва унинг тизим ташкилотларида, коррупцияга қарши курашиш чоралар (тадбирлар)ни, масъул шахсларни, амалга ошириш механизми ва муддатларини ўз ичига белгилаб олган Коррупцияга қарши курашиш бўйича дастур.

4. Агентлик ва унинг тизим ташкилотларидаги коррупциявий хавф-хатарларни баҳолаш ҳар йили ёки қуйидаги ҳолатлар юзага келганда амалга оширилади:

коррупциявий хавф-хатарларни бирламчи баҳолаш зарурияти;

Ўзбекистон Республикаси қонунчилик талабларининг ўзгариши;

функция ёки тартиб-таомилнинг амалга оширилишига сезиларли равишда таъсир кўрсатувчи Агентликнинг ички ҳужжатлари ўзгариши;

Агентлик ва унинг тизим ташкилотлари тузилмасининг, функцияларини амалга оширишида ўзига хос жиҳатларининг ўзгариши, янги функцияларнинг юкланиши;

Агентлик ва унинг тизим ташкилотлари функцияларининг коррупциявий хавф-хатар даражасига таъсир кўрсатиши мумкин бўлган бошқа шарт-шароитларнинг келиб чиқиши.

5. Ушбу Услубиётда қуйидаги асосий тушунчалардан фойдаланилади:

**қолдиқ хавф-хатар** – коррупциявий хавф-хатарни минималлаштиришга қаратилган чораларни қабул қилингандан сўнг қолувчи хавф-хатар (яъни, амалдаги коррупцияга қарши курашиш сиёсатни ва тартиб-таомилларни, хавф-хатарларни

минималлаштириш бўйича чора-тадбирларни ва жорий этилган назоратларни ҳисобга олган ҳолда);

**коррупциявий хавф-хатар** – ходимлар ёки учинчи шахслар томонидан Агентлик ва унинг тизим ташкилотлари номидан ва (ёки) уларнинг манфаатларини кўзлаб коррупциявий хатти-ҳаракатларни содир этиш хавфи;

**коррупциявий хавф-хатарларни баҳолаш** – Агентлик ва унинг тизим ташкилотлари томонидан амалга ошириладиган функцияларни таҳлил қилиш, уларнинг коррупциявий хавф-хатарга мойиллик даражасини аниқлаш, шунингдек функциялар доирасида амалга ошириладиган тегишли тартиб-таомиллар учун ўзига хос ва қолдиқ коррупциявий хавф-хатарларни баҳолаш фаолияти;

**коррупциявий хавф-хатарларнинг бирлашган харитаси** – Агентлик ва унинг тизим ташкилотларидаги коррупциявий хавф-хатарларни баҳолаш натижалари бўйича тузиладиган ва Агентлик ва унинг тизим ташкилотлари функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хавф-хатарни минималлаштириш чора-тадбирларини амалга ошириш учун масъул бўлган ходимлар лавозимларини ўз ичига олувчи бирлашган ҳужжат;

**коррупциявий ҳаракатлар** – ходим томонидан бевосита ёки билвосита шахсан ёки учинчи шахслар орқали пора берувчи манфаатлари йўлида ҳаракат ёки ҳаракатсизлик учун моддий манфаатдор бўлиши, шу жумладан пул, қимматбаҳо қоғоз, бошқа кўринишдаги мулк ва мулкый ҳуқуқлар, мулкый характердаги хизматлар олиш, талаб қилиш, ундириш, таклиф қилиш ёки бериш, пора бериш ва/ёки олиш ёки бунда воситачилик қилишда, расмиятчиликларни соддалаштириш учун тўловлар ундириш (пора олиш) ва бошқа ноқонуний мақсадларда ўз хизмат вазифаларидан ноқонуний фойдаланиш;

**коррупцияга оид ҳуқуқбузарлик** – коррупция аломатларига эга бўлган, содир этилганлиги учун қонунчиликда жавобгарлик назарда тутилган қилмиш;

**тартиб-таомил** – Агентлик ва унинг тизим ташкилотлари функцияларини амалга ошириш доирасидаги ходимлар, бўлинмалар томонидан бажариладиган ёки битта натижага қаратилган, ёхуд маълум бир функциянинг ажралмас элементи ҳисобланган, аломатлар бўйича бир гуруҳга бирлаштириш мумкин бўлган ҳаракатлар йиғиндиси;

**функция** – бир нечта тартиб-таомилни ўз ичига олиши мумкин бўлган Агентлик ва унинг тизим ташкилотларининг ички жараён (фаолият йўналишлари)ларидан бири;

**эксперт фикри** – аниқ факт ёки ҳодиса бўйича ходим ёки бўлинманинг субъектив қараши ёки фикрига асосланган қарори.

**ўзига хос хавф-хатар** – Агентлик ва унинг тизим ташкилотлари фаолияти ва амалга ошириладиган функциялари спецификасидан келиб чиқадиган хавф-

хатари, шу билан бирга уни камайтиришга қаратилган чора-тадбирларни амалга оширилиши ҳисобга олинмаган ҳолда (яъни, амалдаги коррупцияга қарши курашиш сиёсати ва тартиб-таомиллари, хавф-хаталарни минималлаштиришга қаратилган чора-тадбирлар ва жорий этилган назоратлар ҳисобга олинмаган ҳолда);

**худудий ёки таркибий бўлинманинг коррупциявий хавф-хатарлари харитаси** – Агентлик ва унинг тизим ташкилотларининг худудий ёки таркибий бўлинмасидаги коррупциявий хавф-хатарларни баҳолаш натижалари бўйича тузиладиган ҳамда орган ёки муассаса функциялари ва тартиб-таомилларининг умумий рўйхати, тегишли функцияларни амалга ошириш билан боғлиқ эҳтимолий коррупциявий хавф-хатар (схемалар) таснифи, ўзига хос ва қолдиқ коррупциявий хавф-хатарлар даражаси, уларни минималлаштириш чоралари ва аниқланган коррупциявий хатарни минималлаштириш чора-тадбирларини амалга ошириш учун масъул бўлган ходимлар лавозимларини ўз ичига олувчи ҳужжат.

6. Агентлик ва унинг тизим ташкилотларидаги коррупциявий хавф-хатарларни баҳолаш Коррупцияга қарши ички назорат тузилмаси (кейинги ўринларда – Коррупцияга қарши курашиш комплаенс назорати тузилмаси) томонидан ташкилот раҳбари топшириғи асосида амалга оширилади. Агентлик ва унинг тизим ташкилотлари раҳбари топшириғида баҳолашни ўтказиш аниқ муддатлари кўрсатилади.

7. Коррупциявий хавф-хатарларни баҳолашда Коррупцияга қарши курашиш комплаенс назорати тузилмаси қуйидаги вазифаларни амалга оширади:

коррупцияга қарши курашиш бўйича масъулларни жалб қилган ҳолда Агентлик ва унинг тизим ташкилотларида хавф-хатарларни баҳолаш жараёнини ташкиллаштиради;

Агентлик ва унинг тизим ташкилотларида коррупциявий хавф-хатарларни баҳолаш жараёни устидан умумий назоратни амалга оширади;

Агентлик ва унинг тизим ташкилотларидаги коррупцияга қарши курашиш бўйича масъуллар, шунингдек ташкилот марказий аппарати, худудий ва таркибий бўлинмаларига мазкур Услубиётда кўзда тутилган тартибга риоя қилиш бўйича маслаҳатлар беради;

марказий аппарат бўлинмаларининг коррупциявий хавф-хатарлар харитасини тузади ва Агентлик ва унинг тизим ташкилотларининг коррупцияга қарши курашиш йўналишига масъул раҳбар ўринбосари билан келишади;

марказий аппарат, худудий ва таркибий бўлинмаларнинг коррупциявий хавф-хатарлари харитасини Агентлик ва унинг тизим ташкилотларининг коррупциявий хавф-хатарларнинг бирлашган харитасига умумлаштиради;

Агентлик ва унинг тизим ташкилотлари раҳбари ва тегишли худудий ва таркибий бўлинмалар раҳбарларига хавф-хатарларни баҳолаш натижалари ва коррупциявий хавф-хатарларнинг бирлашган харитасини тақдим этади;

тасдиқланган хавф-хатарлар харитаси асосида ҳудудий ва таркибий бўлинмалар томонидан ишлаб чиқилган коррупцияга қарши курашиш бўйича дастурлар лойиҳаларини кўриб чиқади ва уларни қабул қилиш мақсадга мувофиқлиги тўғрисида хулоса беради;

марказий аппарат бўлинмаларининг коррупцияга қарши курашиш бўйича дастурини ишлаб чиқади ва Агентлик ва унинг тизим ташкилотларининг коррупцияга қарши курашиш йўналишига масъул раҳбар ўринбосари билан келишади;

марказий аппарат, ҳудудий ва таркибий бўлинмаларнинг коррупцияга қарши курашиш бўйича дастури асосида Агентлик ва унинг тизим ташкилотларининг коррупцияга қарши курашиш дастурини ишлаб чиқади;

Агентлик ва унинг тизим ташкилотларида коррупциявий хавф-хатарларни минималлаштириш бўйича чора-тадбирларини мувофиқлаштиради ва уларни назорат қилади;

ушбу Услугада кўзда тутилган бошқа вазифаларни амалга оширади.

Коррупцияга қарши курашиш комплаенс назорати тузилмаси зарур ҳолларда марказий аппарат таркибий бўлинма раҳбарлари ва коррупцияга қарши курашиш бўйича масъуллардан қўшимча ахборот ва ҳужжатларни талаб қилиб олади.

8. Коррупцияга қарши курашиш бўйича масъуллар қуйидаги вазифаларни амалга оширади:

тегишли ҳудудий ва таркибий бўлинмаларда коррупциявий хавф-хатарлар баҳоланишини ташкил қилади ва ўтказди;

тегишли ҳудудий ва таркибий бўлинмаларда коррупциявий хавф-хатарларни баҳолаш жараёни устидан назоратни амалга оширади;

тегишли ҳудудий ва таркибий бўлинмаларнинг коррупциявий хавф-хатарлар харитасини тузади ва ушбу Услугада кўзда тутилган тартибда келишилишини таъминлайди;

тегишли ҳудудий ва таркибий бўлинмаларнинг коррупцияга қарши курашиш бўйича дастурларини ишлаб чиқади ва ушбу Услугада кўзда тутилган тартибда келишилишини таъминлайди;

тегишли ҳудудий ва таркибий бўлинмаларда коррупциявий хавф-хатарларни минималлаштириш бўйича чора-тадбирларини амалга оширишни мувофиқлаштиради ва назорат қилади;

ушбу Услугада кўзда тутилган бошқа вазифаларни амалга оширади.

Коррупцияга қарши курашиш бўйича масъуллар зарур ҳолларда тегишли ҳудудий ва таркибий бўлинма ходимларидан қўшимча ахборот ва ҳужжатларни талаб қилиб олади.

## 2 боб. Коррупциявий хавф-хатарларни дастлабки баҳолаш

9. Агентлик ва унинг тизим ташкилотларида коррупциявий хавф-хатарларни дастлабки баҳолаш жараёни тегишли буйруқлар ва уларда кўрсатилган муддатлар асосида амалга оширилади.

Коррупциявий хавф-хатарларни дастлабки баҳолашнинг умумий муддати 3 ойдан ошмаслиги лозим.

10. Коррупциявий хавф-хатарларни дастлабки баҳолаш функцияларнинг коррупциявий хавф-хатарга мойиллик даражасини дастлабки баҳолаш ва тегишли функциялар доирасида Агентлик ва унинг тизим ташкилотларида ходимлари томонидан амалга ошириладиган айрим тартиб-таомилларнинг коррупциявий хавф-хатар даражасини баҳолашни ўз ичига олади.

11. Коррупциявий хавф-хатарларни дастлабки баҳолаш, пастдан тегишли марказий, ҳудудий ва таркибий бўлинмалардан) тепага (ташкилот даражасигача), мазкур бобнинг 12-21 бандларида кўрсатилган тартиб ва кетма-кетликда амалга оширилади.

12. Коррупцияга қарши курашиш комплаенс назорати тузилмаси ушбу Услубиётига 1-иловада келтирилган Коррупциявий хавф-хатарлар харитасини ишлаб чиқиш бўйича Агентлик ва унинг тизим ташкилотларининг марказий аппарати, ҳудудий ва таркибий бўлинмаларига кўрсатма юборилишини таъминлайди.

Кўрсатмада тасдиқланган Коррупциявий хавф-хатарлар харитасини коррупцияга қарши курашиш комплаенс назорати тузилмасига тақдим этиш муддатлари кўрсатилиб, бу муддат йигирма беш иш кунидан кам бўлмаслиги керак.

13. Агентлик ва унинг тизим ташкилотларининг марказий аппарат таркибий бўлинмаларининг Коррупциявий хавф-хатарлар харитаси тегишли бўлинмалар томонидан ишлаб чиқилиб, коррупцияга қарши курашиш комплаенс назорати тузилмасига марказий аппарат учун ягона Коррупциявий хавф-хатарлар харитасини тузиш мақсадида киритилади. Марказий аппарат таркибий бўлинмаларининг Коррупциявий хавф-хатарлар харитаси коррупцияга қарши курашиш комплаенс назорати тузилмаси томонидан Агентлик ва унинг тизим ташкилотларининг коррупцияга қарши курашиш йуналишига масъул раҳбар ўринбосари билан келишилади.

14. Агентлик ва унинг тизим ташкилотларининг ҳудудий ва таркибий бўлинмаларининг Коррупциявий хавф-хатарлар харитаси тегишли бўлинманинг Коррупцияга қарши курашиш бўйича масъуллари томонидан ишлаб чиқилади ва тегишли ҳудудий ва таркибий бўлинма раҳбарлари билан келишилади. Тегишли раҳбар билан келишилган Коррупциявий хавф-хатарлар харитаси Коррупцияга қарши курашиш комплаенс назорати тузилмасига қўриб чиқиш учун киритилади.

15. Агентлик ва унинг тизим ташкилотлари марказий аппарати, ҳудудий ва таркибий бўлинмалари томонидан ишлаб чиқилган Коррупциявий хавф-хатарлар харитасига оид саволлар юзага келган тақдирда, Коррупцияга қарши курашиш комплаенс назорати тузилмаси ходимлари тегишли таркибий бўлинмага изоҳ бериш ёки харитага тузатиш киритиш учун сўров юборади. Бунда, сўровга жавоб сўров олинган кундан бошлаб беш иш кунидан ошмаган муддатда юборилиши лозим.

16. Коррупцияга қарши курашиш комплаенс назорати тузилмаси ходимлари ўз экспертлик фикрига таянган ҳолда Коррупциявий хавф-хатарлар харитасига ўзгартиришлар киритишлари мумкин.

17. Марказий аппарат, ҳудудий ва таркибий бўлинмаларнинг коррупциявий хавф-хатарлар хариталари асосида Коррупцияга қарши курашиш комплаенс назорати тузилмаси Агентлик ва унинг тизим ташкилотларининг коррупциявий хавф-хатарларнинг бирлашган харитасини ишлаб чиқади.

18. Коррупциявий хавф-хатарларнинг бирлашган харитасини тузиш муддати, марказий аппарат, ҳудудий ва таркибий бўлинманинг коррупциявий хавф-хатарлари харитаси тасдиқланган санадан бошлаб, ўн иш кунидан ошмаслиги керак.

19. Коррупциявий хавф-хатарларнинг бирлашган харитаси Агентлик ва унинг тизим ташкилотларининг Коррупцияга қарши курашиш комплаенс назорати тузилмаси тақдимномасига асосан Агентлик ва унинг тизим ташкилотлари раҳбари томонидан тасдиқланади.

20. Қолдик коррупциявий хавф-хатарнинг юқори даражаси билан ифодаланадиган тартиб-таомиллар учун Коррупцияга қарши курашиш комплаенс назорати тузилмаси ва коррупцияга қарши курашиш учун масъуллар ушбу Услубиётининг 2-иловасига мувофиқ коррупциявий хавф-хатарларга энг кўп мойил бўлган лавозимлар рўйхатини ишлаб чиқади.

21. Агентлик ва унинг тизим ташкилотларининг коррупциявий хавф-хатарларга энг кўп мойил бўлган лавозимлар рўйхати Коррупцияга қарши курашиш комплаенс назорати тузилмаси ва коррупцияга қарши курашиш учун масъуллар тақдимномасига асосан Агентлик ва унинг тизим ташкилотлари раҳбари ва тегишли ҳудудий ва таркибий бўлинмалар раҳбарлари томонидан тасдиқланади.

22. Коррупцияга қарши курашиш бўйича масъуллар томонидан тасдиқланган Коррупциявий хавф-хатарларнинг харитасида белгиланган чора-тадбирларга асосан ҳудудий ва таркибий бўлинмаларнинг Коррупцияга қарши курашиш бўйича дастури ушбу Услубиётнинг 3-иловасига мувофиқ Коррупциявий хавф-хатарларнинг харитаси тасдиқланган санадан ўн иш кун ичида ишлаб чиқилиб тасдиқланади.

Ҳудудий ва таркибий бўлинмаларнинг Коррупцияга қарши курашиш бўйича дастури Коррупцияга қарши курашиш комплаенс назорати тузилмаси билан

келишилгандан сўнг тегишли ҳудудий ва таркибий бўлинма раҳбарлари томонидан тасдиқланади.

23. Агентлик ва унинг тизим ташкилотларининг Коррупцияга қарши курашиш дастури марказий аппарат бўлинмаларининг коррупциявий хавф-хатарларни минималлаштириш бўйича чора-тадбирларини инобатга олган ҳолда Коррупцияга қарши курашиш комплаенс назорати тузилмаси томонидан ишлаб чиқилади ҳамда Агентлик ва унинг тизим ташкилотлари раҳбари томонидан тадиқланади.

### **3-боб. Коррупциявий хавф-хатарларнинг кейинги (ҳар йиллик) баҳоланиши**

24. Агентлик ва унинг тизим ташкилотларида коррупциявий хавф-хатарларнинг кейинги баҳоланиши доимий равишда, бир йилда камида бир марта, қоида тариқасида йил бошида Агентлик ва унинг тизим ташкилотлари раҳбарининг тегишли буйруғи асосида ўтказилади.

Кейинги (ҳар йиллик) коррупциявий хавф-хатарларни баҳолаш муддати 2 ойдан ошмаслиги лозим.

25. Йиллик коррупциявий хавф-хатарларни баҳолаш ушбу услубиётнинг 2-бобида кўрсатилган коррупциявий хавф-хатарларни дастлабки баҳолаш тартибида амалга оширилади.

26. Ҳар йиллик коррупциявий хавф-хатарларни баҳолаш бошланишидан олдин Коррупцияга қарши курашиш комплаенс назорати тузилмаси Агентлик ва унинг тизим ташкилотларининг марказий аппарати, ҳудудий ва таркибий бўлинмалари раҳбарларига олдинги баҳолаш даврига нисбатан қонунчиликда ёки ички идоравий ҳужжатларга киритилган ўзгаришларни аниқлаш мақсадида ушбу Услубиётга 4-иловага мос шаклда Сўровнома юборади.

27. Коррупцияга қарши курашиш комплаенс назорати тузилмаси марказий аппарат, ҳудудий ва таркибий бўлинмалар раҳбарлари томонидан тўлдирилган Сўровномаларни йиғади, таҳлил қилади.

### **4-боб. Агентлик ва унинг тизим ташкилотларида амалга ошириладиган функциялар ва тартиб-таомилларнинг коррупциявий хавф-хатар даражасини баҳолаш тартиби**

28. Коррупциявий хавф-хатарларни баҳолаш ташқи ва ички ахборот манбаларидаги маълумотлар таҳлили асосида амалга оширилади, жумладан:

Агентлик ва унинг тизим ташкилотларининг функцияларини тартибга солувчи норматив-ҳуқуқий ҳужжатлар ва ташкилотнинг ички ҳужжатлари (мисол учун, таркибий бўлинмалар, ходимларнинг лавозим йўриқномалари тўғрисидаги низомлар ва ҳ.к.);

ички текширувлар материаллари, шу билан бирга хизмат текширувлари материаллари;



ички аудит ва коррупцияга қарши курашиш бўйича мониторинг натижалари;  
одоб-ахлоқ комиссияси йиғилишлари натижалари;

манфаатдор томонлар, давлат хизмати олувчилар, экспертлар ва бошқа манфаатдор шахслар орасида ўтказилган сўров, жумладан ижтимоий тадқиқотлар натижалари бўйича Агентлик ва унинг тизим ташкилотларининг ходимлари томонидан содир этилган коррупциявий ҳаракатларга оид муурожаатлар;

Агентлик ва унинг тизим ташкилотлари фаолиятидаги ҳуқуқбузарликларга оид статистик маълумотлар;

коррупциявий ҳаракатлар тўғрисида хабар беришга мўлжалланган алоқа каналларига келиб тушган жисмоний ва юридик шахсларнинг муурожаатлари;

Агентлик ва унинг тизим ташкилотлари ходимлари томонидан содир этилган коррупциявий ҳаракатлар ёки одоб-ахлоқ қоидаларига риоя қилмаслик тўғрисида ОАВдаги маълумотлар;

ижтимоий тармоқларда қолдирилган изоҳлар;

ҳуқуқни муҳофаза қилувчи органлари томонидан тақдим этилган материаллар, жумладан жиноят ишларига доир ахборотлар ва бошқалар.

29. Коррупциявий хавф-хатарларни баҳолаш жараёнида Агентлик ва унинг тизим ташкилотларининг ҳар бир функцияси ва тартиб-таомили бўйича коррупциявий ҳаракатларни содир этилиши имкониятлар борлиги бўйича таҳлил қилиш лозим.

30. Ҳар бир функция куйидаги шкала бўйича баҳоланади:

Коррупциявий хавф-хатарларга энг кўп мойил бўлган функция;

Коррупциявий хавф-хатарларга энг кам мойил бўлган функция.

31. Ўрганилаётган функция доирасида амалга оширилаётган тартиб-таомилларнинг ўзига хос хавф-хатарини баҳолаш куйидаги мезонларга кўра амалга оширилади:

ўзига хос юқори хавф-хатар коррупциявий хавф-хатарларга энг кўп мойил бўлган функциялар доирасида амалга ошириладиган тартиб-таомилларга берилади;

ўзига хос ўрта хавф-хатар коррупциявий хавф-хатарларга энг кам мойил бўлган функциялар доирасида амалга ошириладиган тартиб-таомилларга берилади;

ўзига хос паст хавф-хатар хавф-хатарлар кўзда тутилмаган ва Агентлик ва унинг тизим ташкилотларининг Коррупцияга қарши курашиш комплаенс назорати тузилмасининг асосли хулосаси асосида истисно тариқасида қўлланилиши мумкин.

32. Қолдиқ коррупциявий хавф-хатар даражасини баҳолаш хавф-хатарли ҳодисани амалга ошишининг эҳтимоли (мазкур Услубиётнинг 5-иловаси 5.1 жадвалдаги мезонларга қаранг) ва коррупциявий хавф-хатарнинг оқибат даражаси (мазкур Услубиётининг 5-иловаси 5.2 жадвалидаги мезонларга қаранг)ни ҳисобга олган ҳолда хавф-хатарлар аҳамиятлилик шаклидан фойдаланиб амалга оширилади (мазкур Услубиёти 5-иловасидаги 5.1 расм).

## **5 боб. Коррупциявий хавф-хатарнинг қолдиқ даражасини минималлаштириш чоралари**

33. Коррупциявий хавф-хатарларни минималлаштириш чора-тадбирларини белгилашда:

ҳар бир чора Агентлик ва унинг тизим ташкилотлари ходимлари унинг мақсадлари, пировард натижаси ва маълум бир коррупциявий хавф-хатарни минималлаштириш билан алоқасини тушуниши учун аниқ ва равшан ифода этилиши;

ҳар бир чора учун уни амалга ошириш муддати ёки даврийлиги белгиланиши, уни амалга ошириш учун масъул шахслар, амалга оширилишини мониторинг қилиш ва самарадорлигини баҳолаш механизмлари аниқлаб олинishi зарур.

34. Агентлик ва унинг тизим ташкилотларининг коррупциявий хавф-хатарлар харитасига киритилган, аниқланган коррупциявий хавф-хатарларни минималлаштириш чора-тадбирлари Агентлик ва унинг тизим ташкилотларининг Коррупцияга қарши курашиш дастурларига ҳам киритилади (мазкур Услубиётининг 6-иловаси).

35. Агентлик ва унинг тизим ташкилотларидаги коррупциявий хавф-хатарларни минималлаштириш чора-тадбирларини амалга ошириш устидан назорат Коррупцияга қарши курашиш комплаенс назорати тузилмаси томонидан амалга оширилади.

## **6 боб. Яқуний қодалар**

36. Зарурат бўлганда, Агентлик ва унинг тизим ташкилотларининг коррупциявий хавф-хатарлар харитаси ва коррупцияга қарши курашиш дастурига ўзгартириш ва қўшимчалар киритиш билан боғлиқ масалалар бўйича Коррупцияга қарши курашиш комплаенс назорати тузилмаси томонидан Агентлик ва унинг тизим ташкилотлари раҳбарига таклифлар киритилади.

## Ўзбекистон техник жиҳатдан тартибга солиш агентлиги ва унинг тизим ташкилотларида коррупциявий хавф-хатарлар харитаси

№	Функция номи	Функциянинг коррупциявий хавф-хатарга мойиллик даражаси(энг кўп мойил / энг кам мойил)	Функция доирасида бажарилаётган тартиб-таомил номи	Тартиб-таомилни бажариш учун масъул бўлган шахслар (лавозими, бўлинмаси)	Эҳтимолий коррупциявий схема (хавф-хатар)нинг қисқача таърифи	Ўзига хос коррупциявий хавф-хатар (юқори/ўрта/паст)	Мавжуд назорат тартиб-таомиллари / коррупциявий хавф-хатарларни минималлаштириш чоралари	Назорат тартиб-таомиллари/ коррупциявий хавф-хатарларни минималлаштириш чора-тадбирларини тартибга солувчи ёрри-хуқуқий ва ички ҳужжатлар	Назорат тартиб-таомиллари/коррупциявий хавф-хатарларни минималлаштириш чора-тадбирларини амалга ошириш учун масъул шахслар (лавозими, бўлинмаси)	Қолдиқ хавф-хатар даражаси (юқори / ўрта / паст)	Коррупциявий хавф-хатарларни минималлаштириш бўйича чора-тадбирларни амалга ошириш муддатлари	Изоҳлар (зарур ҳолларда)
1												
2												

### 1. Бўлинма

- 1.1. Ташкилот номи
- 1.2. Департамент/Бошқарма
- 1.3. Бўлим
2. Тўлдириш учун масъул
  - 2.1. ФИШ
  - 2.2. Лавозими
  - 2.3. Боғланиш учун (электрон почта, телефон)

Ўзбекистон техник жиҳатдан тартибга солиш  
агентлиги ва унинг тизим ташкилотларида  
коррупциявий хавф-хатарларни баҳолаш  
услугиётига  
2-илова

**Коррупция хавф-хатарига энг кўп мойил бўлган лавозимлар  
РЎЙХАТИ**

<b>№</b>	<b>Ташкилот номи</b>	<b>Ташкилот тузилмаси номи</b>	<b>Лавозим (функцияларини бажариш учун масъул бўлган шахсларни кўрсатган ҳолда)</b>
1.1.			
...			
2.1.			
...			

Ўзбекистон техник жиҳатдан тартибга солиш агентлиги  
ва унинг тизим ташкилотларида коррупциявий хавф-  
хатарларни баҳолаш  
услубиётига  
3-илова

**Ўзбекистон техник жиҳатдан тартибга солиш агентлиги ва унинг тизим  
ташкилотларининг коррупцияга қарши курашиш дастури**

<b>№</b>	<b>Ташкилот номи</b>	<b>Коррупциявий хавф-хатарни миниммаллаштириш бўйича чоралар/тадбирлар/тартиб- таомиллар</b>	<b>Амалга ошириш механизми</b>	<b>Бажариш муддатлари</b>	<b>Масъул ижрочилар (ФИШ, лавозими)</b>
1.1.					
1.2.					
...					
2.1.					
2.2.					
...					

**Коррупциявий хавф-хатарларни кейинги босқичда баҳолаш учун Ўзбекистон техник жиҳатдан тартибга солиш агентлиги ва унинг тизим ташкилотларининг бўлими/бошқармаларини таснифлаш бўйича сўровнома ШАКЛИ**

**Қуйидаги саволларга жавоб берсангиз (кераклигисини тагига чизинг):**

1. Коррупциявий хавф-хатар сўнгги мартта баҳолангандан сўнг қонунчиликда қандайдир ўзгаришлар содир бўлганми? Агар жавоб ижобий бўлса, қуйида келтирилган жадвалга тегишли маълумотларни киритинг.

А) Ҳа                      Б) Йўқ

2. Таркибий бўлинмангиз томонидан бажариладиган тузилма ёки функция фаолиятини тартибга солувчи ички хужжатларда коррупциявий хавф-хатар сўнгги мартта баҳолангандан сўнг қандайдир ўзгаришлар содир бўлганми? Агар жавоб ижобий бўлса, қуйида келтирилган шаклга тегишли маълумотларни киритинг.

А) Ҳа                      Б) Йўқ

3. Коррупциявий хавф-хатар сўнгги мартта баҳолангандан сўнг давлат бошқарув органлари фаолияти/тузилмасида таркибий бўлинмангиз томонидан бажарилаётган функцияга таъсир қилган/таъсир қилиши мумкин бўлган қандайдир ўзгаришлар юз бердими? Агар жавобингиз ижобий бўлса, қуйида келтирилган шаклга тегишли маълумотларни киритинг.

А) Ҳа                      Б) Йўқ

4. Коррупциявий хавф-хатарларни аввалги баҳолашда кўзда тутилган коррупциявий хавф-хатарларни минималлаштириш чора-тадбирлари амалга оширилдими? Нима ва қачон амалга оширилганини таърифлаб беринг. Агар амалга оширилмаган ёки қисмай амалга оширилган бўлса, сабабини ёзинг.

А) Ҳа                      Б) Йўқ                      В) Қисман амалга оширилган

5. Давлат органи/идораси тизими бўлинмаларида функцияларни бажариш ва тартиб-таомилларни амалга оширишга таъсир кўрсатиши мумкин бўлган бошқа шарт-шароитлар мавжудми? Агар жавобингиз ижобий бўлса, қуйида келтирилган жадвалга тегишли маълумотларни киритинг.

А) Ҳа                      Б) Йўқ

№	Ташкилот номи	Ташкилот тузилмаси номи	Функциялар ўзгариши сабаблари	Ўзгарган функция таърифи	Функция доирасида бажарилаётган янги/ўзгарган тартиб-таомиллар	Тартиб-таомилларни бажариш учун масъул шахслар (ФИШ, лавозими)
1.1.1.						
1.1.2.						
...						

Ташкилот \_\_\_\_\_

Бўлинма \_\_\_\_\_

Тўлдираётган шахснинг лавозими \_\_\_\_\_

Тўлдираётган шахснинг ФИШ \_\_\_\_\_

Имзо \_\_\_\_\_

Тўлдириш санаси \_\_\_\_\_

**5.1-жадвал – Коррупциявий хавф-хатар эҳтимоли даражасини аниқлаш мезонлари**

Эҳтимоли	Таърифи
<b>Юқори</b>	<ul style="list-style-type: none"> <li>— Ўзига хос хавф-хатар даражаси юқори</li> <li>— Назорат тадбирларининг мавжуд эмаслиги / сезиларли даражада кам-кўстини тўлдириш керак бўлган назорат тадбирларининг мавжудлиги</li> <li>— Тартиб-таомилни ички ҳужжатлар ёрдамида аниқ тартибга солиниши мавжуд эмаслиги</li> <li>— Тартиб-таомилни автоматлаштириш мавжуд эмаслиги/даражаси пастлиги</li> </ul>
<b>Ўртача</b>	<ul style="list-style-type: none"> <li>— Ўзига хос хавф-хатар даражаси ўрта</li> <li>— Тартиб-таомил тартибга солинган, кам-кўстини оз миқдорда тўлдириш керак бўлган назорат тадбирлари жорий этилган</li> <li>— Тартиб-таомил тартибга солинган, қисман автоматлаштирилган, бироқ етарли даражада шаффоф эмас</li> <li>— Ўзига хос хавф-хатар даражаси юқори хавф-хатарни камайтириш учун етарли бўлган назорат тадбирлари, жумладан Ўзбекистон техник жиҳатдан тартибга солиш агентлиги ва унинг тизим ташкилотларининг ички ҳужжатлари билан тартибга солинган, камида учта шахс томонидан кросс-функционал назорат (Ўзбекистон техник жиҳатдан тартибга солиш агентлиги ва унинг тизим ташкилотларининг назорат қилиниши)ни кўзда тутувчи назорат тадбирларининг мавжудлиги</li> <li>— Тартиб-таомил қисман ёки тўлиқ автоматлаштирилган</li> </ul>
<b>Паст</b>	<ul style="list-style-type: none"> <li>— Ўзига хос хавф-хатар даражаси паст</li> <li>— Ўзига хос хавф-хатар даражаси ўрта ҳамда хавф-хатарни камайтириш учун етарли бўлган назорат тадбирлари, жумладан ички ҳужжатлар билан тартибга солинган, камида</li> </ul>



Эҳтимоли	Таърифи
	<p>учта шахс томонидан кросс-функционал назоратни кўзда тутувчи назорат тадбирларининг мавжудлиги                      — Тартиб-таомил тўлиқ автоматлаштирилган</p>

**5.2-жадвал – Коррупциявий хавф-хатарнинг оқибат (таъсирчанлик) даражасини аниқлаш мезонлари**

Оқибат даражаси	Обрўга путур етказиш	Жавобгарлик
<b>Юқори</b>	<p>— Хавф-хатар ташкилотнинг мамлакат ва халқаро миқёсдаги обрўсига сезиларли равишда путур етказди</p>	<p>— Ўзбекистон техник жиҳатдан тартибга солиш агентлиги ва унинг тизим ташкилотларида ходимларига нисбатан жиноий иш кўзғатиш учун тегишли органларга ҳужжат юбориш ташаббуси билан чиқиш</p>
<b>Ўрта</b>	<p>— ОАВда салбий ҳодисанинг ёритилиши;                      — Аҳоли ва ҳамкорлардан салбий фикрлар ва шикоятлар олиш;                      — хавф-хатар ташкилот обрўсига маҳаллий даражада путур етказди.</p>	<p>— Ўзбекистон техник жиҳатдан тартибга солиш агентлиги ва унинг тизим ташкилотларида ходимларига нисбатан маъмурий суриштирув ўтказиш учун ҳужжатларни Коррупцияга қарши курашиш агентлигига юбориш ташаббуси билан чиқиш</p>
<b>Паст</b>	<p>— Аҳоли, маҳаллий ОАВлардан вазиятга изоҳ беришни сўраб алоҳида сўровлар тушиши мумкин</p>	<p>— Агентлик тизими ходимларига нисбатан хизмат текшируви ўтказиш ташаббуси билан чиқиш мумкин</p>

5.1-расм. Қолдиқ хавф-хатар даражасини аниқлаш шакли

